



Inatsisartut aalajangiiffigisassaattut siunnersuut Naalakkersuisut peqquneqassasut Nukissiorfinnut nalunaaruteqaqqullugit, akinut suliffeqarfiup allattorsimaffiani allaqqasut allanngortinneqassasut, siunissami ima allassimalerluni innaallagissamut atuisut nunami aalisakkanik suliffissuarnut innaallagissamut akikillisaaffigisaraat aammalu imermik atuisut nunami aalisakkanik suliffissuarnut imermik akikillisaaffigisarai, maannakkutut ikkunnaarluni Nuummiunerusut ataatsimoorullugu kiassarnermik atuisunit akilerneqartarunnaarsillugit.

(Inatsisartunut Ilaasortat Siverth K. Heilmann aamma Steen Lyngge, Atassut)

Siullermeerneqarnera

Partii Naleqqamiit qulaani siunnersuut ima oqaaseqarfigissavarput.

Partii Naleqqami, qujanartuutipparput partiit allat aamma uagut partiit tunngavippu illersornerpaasagullu, tassalu nunatsinni pissakinnerpaat, aamma partiinit allanik iliuuseqarfiginiarneqartalermeta, soorlu uani Atassutip ilaasortaataasa marluullutik siunnersuutaanni takuneqarsinnaasoq.

Naalakkersuisooqatigiit Nukissiuteqarnek pillugu Isumaqatigiissummini una isumaqatigiissutigivaat: “Innaallagissamut, imermut kiassarnermullu akitigitinneqartut nammaqatigiinneq naapertorlugu naleqqussaavigineqartarnissaat Naalakkersuisooqatigiit suliarissavaat. Taamaaliornikkut ilaqutariinnut aningaasaqarniarnikkut tamatumani atugarisat naligiinnerulersinneqaqqullugit.”

Taamaattumik paasiuminaatsipparput sooq pissakereersut uani aqqissuussinermi suli ajornerulernissaannik iliuuseqarnissamik Naalakkersuisut akuersaagerinnissimmata.

Taamaattumik Naalakkersuisut aqqiissutissamik tuaviornerpaamik peqqussuagut aqqiissasut, pissakinnermik pilliuteqareeqisunik aalleqqinnatik, iluamik aqqiissasut, imaattariaqanngilarmi atugarissaarnerulernissamik oqaloriarlutik pissakittuniit tiguseriartut kukkusumik aqqiissasut. Tamanna akuersaarneqarsinnaanngilaq. Uani siunnersuummi aqqiissutissaqarnermi siunnersuut pituttuivigivallaarnagu Naalakkersuisut pissakittunik eqquinertaqanngittumik aqqiissummik tuaviornerpaamik suliniuteqaqqullugit peqqussuagut.